



**REPUBLIKA E SHQIPËRISË
BASHKIA ELBASAN
AGJENCIA E SHËRBIMEVE PUBLIKE URBANE ELBASAN**

Elbasan, më 18/02/2026

Procesverbal -Tipi i kontrates - Mall

(Për argumentimin e kriterëve të përgjithshme dhe të veçanta të kualifikimit)

OBJEKTI I PROÇEDURËS - “Furnizim vendosje asfalto beton”.

LLOJI PROÇEDURËS - “Procedurë e hapur e thjeshtuar-Marrëveshje kuader –mallra”

KODI PËRKATËS NË FJALORIN E PËRBASHKËT TË PROKURIMIT (CPV): Materiale asfaltimi 44113100-6

VLERA E FONDIT LIMIT - 4,166,162.5 (katërmilionë e njëqind e gjashtëdhjetë e gjashtëmijë e njëqind e gjashtëdhjetë e dy pikë pesë) **lekë pa t.v.sh.**

Argumentimi : Bazuar në Nenin 76 të VKM Nr.285 datë 19.05.2021 “Për miratimin e rregullave të prokurimit publik” pika 1, me anë të shkresës 86/2 datë 18/02/2026, bazuar në të dhënat e “Sistemit të Integruar të Manualit të çmimeve në ndërtim” Nr. Analize 3.233/3 komisioni i ngarkuar, ka bërë përlllogaritjen vlerës së prokurimit.

N baze të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhenenit 78, pika 2, të VKM nr.285, datë 19.05.2021 “Për miratimin e rregullave të prokurimit publik”, autoriteti kontrator Agjencia e Shërbimeve Publike Urbane Elbasan ka hartuar procesverbalin për argumentimin dhe miratimin e kriterëve për kualifikim për procedurën e sipërcituar, me përmbajtjen si mëposhte:

Shtojca 7

1. KRITERET E PËRGJITHSHME TË PËRZGJEDHJES/ KUALIFIKIMIT

Ofertuesi deklaron se:

a) është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;

b) nuk është në proces falimentimi (status aktiv);

- c) nuk është dënua për ndonjë vepër penale, në përputhje me nenin 76/1 të LPP-së;
 - ç) personi (personat) që veprojnë si anëtar i organit administrativ, drejtori ose mbikëqyrësi, aksioneri ose ortak, ose që ka fuqi përfaqësuese, vendimmarrëse ose kontrolluese brenda Operatorit Ekonomik, nuk është i dënua ose nuk ka qenë i dënua nga një vendim i gjykatës i formës së prerë për çdo vepër penale, të përcaktuar në nenin 76/1 të LPP-së;
 - d) nuk është shpallur fajtor për shkelje të rëndë profesionale, për sa kohë që nuk është parashkruar, sipas legjislacionit në fuqi;
 - dh) Operatori Ekonomik nuk ka pagesa pashlyera të taksave dhe kontributeve të sigurimeve shoqërore, ose ndodhet në një prej kushteve të parashikuara në nenin 76/2 të LPP-së;
 - e) Operatori Ekonomik ka paguar energjinë elektrike dhe plotëson kërkesat që burojnë nga legjislacioni në fuqi. Ky informacion kërkohet për Operatorët Ekonomikë, të cilët operojnë në territorin e Republikës së Shqipërisë.
 - f) Operatori Ekonomik nuk është në kushtet e konfliktit të interesit, sipas legjislacionit në fuqi;
 - g) Operatori Ekonomik ushtron veprimtarinë në përputhje me legjislacionin përkatës mjedisor, social dhe të punës;
 - gj) Operatori Ekonomik ka paraqitur një Ofertë të Pavarur, sipas kërkesave të legjislacionit në fuqi;
 - h) Operatori Ekonomik kryen aktivitetin në përputhje me kërkesat e legjislacionit në fuqi.
- i) operatori ekonomik nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrëse ose kontrolluese brenda tij persona të cilët janë/kanë qenë në këtë cilësi në një operator ekonomik të përgjashtuar nga e drejta për të fituar kontrata publike, me vendim të Agjencisë së Prokurimit Publik, gjatë kohës që ky vendim është në fuqi.
- j) ka regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi.
- k) zbaton detyrimet që rrjedhin nga legjislacioni në fuqi për pagat bazë referuese për kategori profesioni për punonjësit e pajtuar në punë. Ky informacion kërkohet për Operatorët Ekonomikë, i regjistruar në regjistrin tregtar shqiptar.

Këto kritere duhet të përmbushen me paraqitjen e Formularit Përmbledhës të Vetëdeklarimit të operatorit ekonomik në ditën e hapjes së Ofertës, sipas Shtojcës 9.

Në rast bashkimi të operatorëve ekonomikë, secili anëtar i grupit duhet të paraqesë Vetëdeklarimin e lartpërmendur.

Në rast se, operatori ekonomik ofertues do të mbështetet në kapacitetet e subjekteve të tjera, Vetëdeklarimi i lartpërmendur duhet të paraqitet edhe nga subjekti mbështetës.

Kriteret e Përgjithshme të Pranimi nuk duhet të ndryshohen nga Autoritetet Kontraktore.

Në çdo rast, Autoriteti Kontraktor ka të drejtë të kryejë verifikimet e nevojshme për vërtetësinë e informacionit të deklaruar nga Operatori Ekonomik, për sa më sipër.

Nëse oferta paraqitet nga një bashkim Operatorësh Ekonomikë, do të paraqitet:

- Marrëveshje bashkëpunimi ndërmjet Operatorëve Ekonomikë, ku caktohet përfasuesi, përqindja e pjesëmarrjes në bashkim, dhe elementët që merr përsipër të realizojë secili prej anëtarëve të bashkimit.
- Nëse, një operator ekonomik dëshiron të mbështetet në kapacitetet e subjekteve të tjera, ai i vërteton autoritetit kontraktor se do të ketë në dispozicion burimet e nevojshme, duke dorëzuar një angazhim me shkrim të këtyre subjekteve për këtë qëllim.

Kriteret e përgjithshme përmbajne listën e dokumentacionit, ligjor dhe administrativ, të kandidatëve/ofertuesve, që duhet të plotësojnë për të marrë pjesë në procesin e prokurimit, në përputhje me nenin 76 dhe 77 të LPP-së, nr.162 date 23.12.2020 “Per prokurimin Publik”.

Kriteret e përgjithshme për pranimin e operatorëve pjesëmarrës janë të pandryshueshme dhe janë vënë të njëjta me Dokumentet Standarde të Tenderit sipas Vendimit Nr. 08 Datë 23.09.2024 të miratuara nga APP.

2. KRITERET E VEÇANTA TË KUALIFIKIMIT

1. Ofertuesi duhet të dorëzojë:

a. Formularin e Ofertës, sipas Shtojcës 1;

b. Formulari i Sigurimit të Ofertës, sipas Shtojcës 4;

Kriteret (a-b) janë vendosur në përputhje me Dokumentat e Tenderit të miratuara nga APP bazuar në Vendimin Nr. 08 Datë 23.09.2024 si dhe bazuar në Ligjin Nr.162/2020 “Per prokurimin publik”.

Pika b) është vendosur në bazë të nenit 30 pika 1 të VKM-së Nr.285, datë 19.5.2021 “Për Miratimin e Rregullave të Prokurimit Publik”.

2. Kapaciteti ekonomik dhe financiar:

Ofertuesi duhet të dorëzojë:

2.1 Kopje të deklaratave të xhiros vjetore të leshuara nga administrata tatimore për gjatë tre viteve të fundit, ku vlera e xhiros për të paktën një nga vitet e periudhës së kërkuar duhet të jete jo më e vogël se **40 % e fondit limit të prokuruar.**

Kriteri (2.1) është vendosur referuar nenit 43 pika 1,2,3 dhe nenit 55 pika 4 të VKM-së Nr.285, datë 19.5.2021 “Për Miratimin e Rregullave të Prokurimit Publik”, si dhe bazuar në Nenin 77 pika 3, e LPP nr.162, date 23.12.2020 “Per Prokurimin Publik”.

2.2 Operatori ekonomik duhet të ketë paguar **taksat dhe tarifat vendore për vitin 2025** për çdo vend të ushtrimit të aktivitetit (sipas QKB), sipas afateve të kryerjes së pagesave të përcaktuara nga çdo njësi e qeverisjes vendore. (Në rastet e bashkimit të operatorëve ekonomik, çdo anëtar i grupit duhet të paraqesë vërtetim për taksat dhe tarifat vendore).

Ky kriter do të përmbushet nga OE me anë të Formularit Përmbledhës së Vetëdeklarimit. Dokumentacioni provues, i cili vërteton pagimin e taksave dhe tarifave vendore, do të dorëzohet nga ofertuesi i kualifikuar i pari përpara publikimit të njoftimit të fituesit dhe nisjes së afateve të ankimit.

Kriteri (2.2) është vendosur bazuar në nenin 76, pika 2 të LPP si dhe në ligjin Nr.9632, datë 30.10.2006 “Përsistemin e taksave vendore” i ndryshuar, neni 5, pika c.

3. Kapaciteti teknik dhe profesional:

3.1. Për të provuar përvojën e mëparshme operatori ekonomik duhet të paraqesë dëshmi për furnizime të ngjashme në një vlerë jo më të vogël se **20%** e vlerës së përlogaritur të kontratës, që prokurohet dhe që është realizuar gjatë tre viteve të fundit, nga data e shpalljes së njoftimit të kontratës.

Kjo do të vërtetohet me dokumentat e mëposhtme:

a) Në rastin e përvojës së mëparshme të realizuar me sektorin publik, operatori ekonomik duhet të paraqesë vërtetimet e lejuara nga një ent public ose fatura tatimore të shitjes, ku të jenë shënuar saktë datat, shumat, sasi të mallrave të furnizuara,

ose

b) Në rast se përvoja e mëparshme është realizuar me sektorin privat, si dëshmi do të pranohen vetëm fatura tatimore shitje, të plotësuara sipas kërkesave të legjislationit në fuqi, dhe të deklaruara në organet tatimore, ku të jenë shënuar saktë datat, shumat, sasi të mallrave të furnizuara.

Kriteri **3.1** është vendosur referuar nën 40 pika 4 dhe nën 55, pika 4 germa b) të VKM-së Nr.285, datë 19.5.2021 “Për Miratimin e Rregullave të Prokurimit Publik” si dhe bazuar në nenin 77 pika 4 të LPP nr.162, datë 23.12.2020 “Për Prokurimin Publik”.

3.2 Operatori ekonomik duhet të disponojë :

- **Një kamion vetëshkarkues me kapacitet mbajtës minimalisht 7 ton**, për transportin e asfaltobetonit;

- **Një autobitumatriçe** për hedhjen e bitumit;

-Një asfaltoshtruese për hedhjen dhe nivelimin e asfaltit;

-Një rrul me peshë minimalisht 4 ton për të niveluar dhe vibruar shtresën e asfaltit.

Për të cilat duhet të paraqesë dokumentet e mëposhtëm :

-Aktin e pronësisë së mjetit përkatës

Ose

-Kontratën noteriale të marrjes me qera të mjetit, shoqëruar me dokumentacionin përkatës të pronësisë që ka pronari, i cili e jep me qira.

Për mjetet që shënohen në regjistra publikë (qoftë në pronësi apo me qera) duhet të paraqitet dokumenti që verteton regjistrimin e mjetit (leje qarkullimi), çertifikata e kontrollit Teknik, siguracionin e mjetit, taksat vjetore si dhe lejen e transportit për ato mjete që pajisen me leje transporti sipas legjislacionit në fuqi.

Ky kriter do të permbushet nga OE me ane të Formularit Permbledhes të Vetedeklarimit. Dokumentacioni provues, i cili verteton disponimin e automjeteve, dorezohet nga ofertuesi i kualifikuar i pari perpara publikimit të njoftimit të fituesit dhe nisjes së afateve të ankimit.

*Kriteri 3.2 është vendosur Në bazë të pikës 4, të nenit të 77, të Ligjit nr. 162, datë 23.12.2020 “Për prokurimin publik” dhe nenit 40, pika 5/ç, të VKM-së nr. 285, datë 19.05.2021, “Për miratimin e Rregullave të Prokurimit Publik”, me anë të këtij **kriteri kërkohet që operatorët ekonomikë të dëshmojnë që kanë në dispozicion apo që mund t’i vihen në dispozicion mjetet dhe pajisjet teknike për të përmbushur kontratën, të nevojshme për ekzekutimin e objektit të prokurimit Kamioni vetëshkarkues me kapacitet mbajtës minimalisht 7 ton do të shërbejë për transportin e asfaltobetonit nga vendi i prodhimit tek hapësirat e planifikuara nga autoriteti ynë kontraktor në Elbasan. Autobitumatricja do të shërbejë për hedhjen e bitumit. Asfaltoshtruesja do të shërbejë për hedhjen dhe nivelimin e asfaltit. Rruli me peshë minimalisht 4 ton do të shërbejë për të niveluar dhe vibruar shtresën e asfaltit.***

3.3 Operatori ekonomik duhet të disponojë staf Teknik si më poshtë :

-Një inxhinier ndërtimi të diplomuar në Inxhinieri Ndërtimi profili infrastrukturë;

-Një Teknik ndërtimi;

-Dy manovratorë të pajisur me dëshmi manovrimi;

-Shtatë punonjës ndihmës.

Ky kriter do të permbushet nga OE me ane të Formularit Permbledhes të Vetedeklarimit. Dokumentacioni provues : diploma; kontratë pune dhe listëpagesat e sigurimeve shoqërore, për vërtetimin e kualifikimit dhe punësimit të punonjësve,

dorezohet nga ofertuesi i kualifikuar i pari perpara publikimit te njoftimit te fituesit dhe nisjes se afateve te ankimit.

Kriteri 3.3 është vendosur Në bazë të pikës 4, të nenit të 77, të Ligjit nr. 162, datë 23.12.2020 “Për prokurimin publik” dhe nenit 40, pika 5/b, të VKM-së nr. 285, datë 19.05.2021, “Për miratimin e Rregullave të Prokurimit Publik”, me anë të këtij **kriteri kërkohet që operatorët ekonomikë të dëshmojnë që kanë në dispozicion apo që mund t’i vihen në dispozicion burimet e nevojshme njerëzore të nevojshëm për të zbatuar objektin e prokurimit. Inxhinieri i ndërtimit i diplomuar në Inxhinieri Ndërtimi profili infrastrukturë do të shërbejë për kontrollin e cilësisë së shërbimit dhe do të mbajë përqejësi teknike. Tekniku i ndërtimit do të ndjekë udhëzimet e inxhinierit për anën teknike të realizimit të shërbimit të furnizimit e vendosjes së asfalto betonit. Dy manovratorët do të shërbejnë për të drejtuar asfaltoshtruesen dhe rrulin. Shtatë punonjësit ndihmës do të shërbejnë për pastrimin dhe përgatitjen e terrenit; për mbushjen e boshllëqeve dhe nivelimin me lopatë qjatë hedhjes së asfaltit dhe për rregullimet në anë, pranë bordurave dhe kapakëve të pusetave.**

3.4 Operatori ekonomik ofertues duhet të jetë i pajisur me çertifikatë të lëshuar nga organizmat e vlerësimit të konformitetit, të akredituara nga DPA, ose organizma ndërkombëtare akreditues të njohur nga Republika e Shqipërisë, që ka lidhje me objektin e kontratës, lëshuar nga institucionet zyrtare të akredituara për këto qëllime, si më poshtë:

-SSH/ EN - ISO 9001:2015 në fushën e menaxhimit të cilësisë ose ekuivalente, e vlefshme dhe të përputhet me mallin objekt prokurimi;

Kriteri 3.4 është vendosur në përputhje me Nenin 40 pika 6 gërma (c) të VKM-së Nr.285, datë 19.5.2021 “Për Miratimin e Rregullave të Prokurimit Publik”, bazuar në nenin 44 pika 1 të VKM-së Nr.285, datë 19.5.2021 si dhe bazuar në nenin 79 të LPP.

Ky kriter është vendosur që AK të ketë sigurinë që operatori ekonomik ofertues të jetë i pajisur me çertifikatën e menaxhimit të cilësisë gjë e cila krijon bindjen dhe sigurinë të AK që ky OE do të ofertojë produkte të çertifikuara të një cilësie të mirë, në përputhje me standartet ndërkombëtare të adoptuara në ato kombëtare nga DPA.

3.5 Operatori ekonomik duhet të jetë i pajisur me “Liçensë Profesionale për veprimtari Ndërtuese Zbatimi N.P – 4. A” lëshuar nga Komisioni i Posaçëm i Dhënies së Liçensave Profesionale për Shoqëritë që Ushtrjnë Veprimtari Ndërtuese Zbatimi, Ministria e Infrastrukturës dhe Energjisë.

Kriteri 3.5 është vendosur Në bazë të pikës 4, të nenit të 77, të Ligjit nr. 162, datë 23.12.2020 “Për prokurimin publik” dhe nenit 40, pika 5/a dhe neni 41, pika 4/a të VKM-së nr. 285, datë 19.05.2021, “Për miratimin e Rregullave të Prokurimit Publik”, me anë të këtij **kriteri kërkohet që operatorët ekonomikë të dëshmojnë që disponojnë liçensa profesionale për prodhimin ose furnizimin e mallrave dhe realizimin e shërbimeve, objekt i kontratës të**

lëshuara nga autoritetet kompetente shtetërore; Bazuar në Vendimin Nr.42, datë 16.1.2008 “Për miratimin e rregullores për kriteret dhe procedurat e dhënies së licencave profesionale të zbatimit, klasifikimit dhe disiplinimit të subjekteve juridike, që ushtrojnë veprimtari ndërtimi”.

3.6 Operatori ekonomik duhet të ketë në pronësi, ose me qera ose të ketë kontratë noteriale furnizimi për “Impiant prodhim asfalti”.

Ky kriter do të përmbushet nga OE me anë të Formularit Përmbledhës të Vetëdeklarimit. Dokumenti provues, i cili vërteton disponimin në pronësi / me qera / me kontratë noteriale furnizimi i “Impiantit të prodhimit të asfalti”, do të dorëzohet nga ofertuesi i kualifikuar i pari përpara publikimit të njoftimit të fituesit dhe nisjes së afateve të ankimit.

Ky kriter 3.6 është vendosur pasi është në përputhje me objektin e prokurimit dhe bazuar në nenin 40 pika 8 të VKM Nr. 285 datë 19.05.2021 “Për miratimin e rregullave të prokurimit publik”. Me anë të këtij kriteri autoriteti arrin të plotësojë nevojat e elementeve të asfalto betonit si dhe duke marrë parasysh karakterin e vazhdueshëm të kontratës për të garantuar furnizimin dhe realizimin me sukses të kontratës dhe në përputhje të plotë me natyrën e objektit të prokurimit.

II. Argumentimi i specifikimeve teknike

Argumentim: Në bazë të nenit të 36, të ligjit nr. nr. 162, datë 23.12.2020 “Për prokurimin publik” dhe nenit 15, pika 3/b, të VKM nr. 285, datë 19.05.2021, “Për miratimin e Rregullave të Prokurimit Publik”. Specifikimet teknike hartohen nga specialisti i fushës për objektin që prokurohet. Specifikimet teknike, për mallrat objekt prokurimi, përshkruajnë minimumin ose tërësinë e elementeve më të rëndësishme përbërëse, që garantojnë cilësinë e kërkuar, dhe që i vlerëson mallrat si të pranueshme për funksionet e kërkuara si dhe janë në përputhje me parashikimet e nenit 4, pika 38/b dhe nenit 36, të LPP, si dhe nenit 40, pika 2, të VKM nr. 285, datë 19.05.2021, “Për miratimin e rregullave të prokurimit publik”.

NJESIA E PROKURIMIT